



Broj: T18 0 KT 0017179 23
Brčko, 06.03.2024. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta Bosne i Hercegovine podižem:

OPTUŽNICU

Protiv:

A. HODŽIĆA ... rođen 12 ... 2002. godine u Brčkom [...]

Što je:

Dana 27.08.2023. godine, oko 20,00 časova, u ulici Mostarska, upravljajući putničkim motornim vozilom marke „Ford Fokus“, reg. oznaka ..., krećući se iz pravca grada u pravcu naselja Brod, dolaskom u ulicu Mostarska, neposredno poslije skretanja za naselje Rijeke, znajući da je maksimalna dozvoljena brzina na toj dionici puta 60 km/h te da je dužan prilagoditi brzinu kretanja vozila vidljivosti i atmosferskim prilikama, te saobraćajnim znacima na putu, tako da vozilo u slučaju potrebe može blagovremeno da zaustavi pred svakom preprekom koju može da predvidi, postupio suprotno članu 43. stav (1) Zakona o osnovama bezbjednosti saobraćaja na putevima u Bosni i Hercegovini (Službeni glasnik BiH”, broj 6/06, 75/06, 44/07, 84/09, 48/10 i 18/13, 8/17, 89/17, 9/18), tako što se kretao brzinom od 83 km/h, i suprotno članu 28 stav (1) istog Zakona, nije obratio pažnju na pješake koji se nalaze na kolovozu ili stupaju na kolovoz, pa svjestan da takvim radnjama može ugroziti javni saobraćaj na putevima i dovesti u opasnost život i tijelo ljudi, olako držao da do saobraćajne nezgode neće doći, te kada su pješaci A. S. i njena kćerka A. S. prelazile kolovoz u blizini svoje kuće, van pješačkog prelaza, sa njegove lijeve na desnu stranu puta, nalazeći se u svojoj desnoj saobraćajnoj traci, nije obratio pažnju na njih, pa je, bez usporavanja i kočenja, čeonim dijelom vozila ostvario kontakt sa desnom stranom tijela pješaka, nakon čega su oba pješaka podignuta na haubu motornog vozila, potom na vjetrobransko staklo i nakon toga su pale na asfalt, kojom prilikom je, kao posljedica zadobijenih brojnih primarnih, sekundarnih i tercijarnih povreda, A. S. zadobila oštećenja za po život važnih centara u mozgu te obimno mehaničko povređivanje kostiju, grudnog koša i trbuha, a A. S. je zadobila oštećenja za po život važnih centara u mozgu, a kao neposredne posljedice oštećenja njegovog tkiva te većeg dijela moždanog stabla, usljed čega je na licu mjesta nastupila smrt A. i A. S.,

dakle, kao učesnik u saobraćaju na putevima iz nehata nije se pridržavao saobraćajnih propisa i time tako ugrozio javni saobraćaj i doveo u opasnost život ljudi usljed čega je prouzrokovao smrt dva lica,

čime je učinio krivično djelo – Teška krivična djela protiv bezbjednosti javnog saobraćaja – iz člana 330 stav (4) u vezi sa članom 326 stav (3) Krivičnog zakona Brčko distrikta BiH.

[...]

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
